



Our ref: MA-VG-1633-22

Huw Irranca-Davies AS  
Cadeirydd  
Y Pwyllgor Deddfwriaeth, Cyfiawnder a'r Cyfansoddiad  
[SeneddDCC@senedd.cymru](mailto:SeneddDCC@senedd.cymru)

10 Mehefin 2022

Annwyl Huw,

### **Rheoliadau Rheolaethau Swyddogol (Ymestyn Cyfnodau Trosiannol) (Diwygio) 2022**

Mae'r Ysgrifennydd Gwladol yn cynnig gwneud yr Offeryn Statudol a enwir uchod ("Rheoliadau 2022") o dan bwerau a roddwyd gan Erthygl 144(6) o Reoliad (UE) 2017/625 Senedd Ewrop a'r Cyngor ar reolaethau swyddogol a gweithgareddau swyddogol eraill a gyflawnir i sicrhau bod cyfraith bwyd a bwyd anifeiliaid, rheolau ar iechyd a lles anifeiliaid, iechyd planhigion a chynhyrchion diogelu planhigion yn cael eu defnyddio.

Mae Rheoliadau 2022 yn diwygio:

- Rheoliadau Rheolaethau Swyddogol (Ymestyn Cyfnodau Trosiannol) 2021 i newid dyddiad gorffen y "cyfnod graddoli trosiannol" (fel y'i diffinnir ym mharagraff 2 o Atodiad 6 i Reoliad (UE) 2017/625) rhwng 30 Mehefin 2022 a 31 Rhagfyr 2022;
- Rheoliad (UE) 2017/625:
  - galluogi i bwerau gwneud rheoliadau yn Erthyglau 53 a 54 o'r Rheoliad hwnnw gael eu harfer yn ystod y cyfnod pontio, ac yn ei dro, galluogi'r "gyfradd amlder briodol" (a ddiffinnir ym mharagraff 2 o Atodiad 6 i Reoliad (UE) 2017/625) i rai planhigion a chynhyrchion planhigion gael eu pennu drwy gyfeirio at reoliadau a wneir gan ddefnyddio'r pwerau hynny;
  - dewis planhigion a chynhyrchion planhigion â blaenoriaeth uchel o gwmpas Erthygl 44(2) o'r Rheoliad hwnnw, sy'n pennu amlder priodol y rheolaethau ar nwyddau nad ydynt yn cael eu cyflwyno mewn safleoedd rheoli ffiniau;
  - Rheoliadau Paratoadau Cig (Diwygio ac Addasu Dros Dro) (Lloegr) (Ymadael â'r UE) 2020 i newid dyddiad gorffen atal dros dro y gofyniad i baratoadau cig gael eu rhewi'n ddwfn pan gânt eu mewnforio i Loegr o aelod-wladwriaethau'r AEE, Ynysoedd Faroe, yr Ynys Las neu'r Swistir rhwng 30 Mehefin 2022 a 31 Rhagfyr 2022.

Canolfan Cyswllt Cyntaf / First Point of Contact Centre:  
0300 0604400

Bae Caerdydd • Cardiff Bay  
Caerdydd • Cardiff  
CF99 1SN

[Gohebiaeth.Vaughan.Gething@llyw.cymru](mailto:Gohebiaeth.Vaughan.Gething@llyw.cymru)  
[Correspondence.Vaughan.Gething@gov.wales](mailto:Correspondence.Vaughan.Gething@gov.wales)

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Nid yw'r gwelliant y cyfeirir ato yn y pwynt bwled olaf uchod yn gymwys i Gymru. Fodd bynnag, bydd Gweinidogion Cymru yn cyflwyno Rheoliadau Paratodau Cig (Cymru) (Diwygio) 2022 i wneud diwygiad cyfatebol.

Heb y gwelliannau hyn, o 1 Gorffennaf 2022, bydd yn rhaid i fusnesau mewnforio ac allforio ym Mhrydain a'r UE yn y drefn honno gydymffurfio â gofynion rheoli'r archwiliadau iechydol a ffytoiechydol a fyddai fel arall yn dod yn weithredol. Mae'r Rheoliad Rheolaethau Swyddogol sydd fel arall yn weithredol pan ddaw'r cyfnod graddoli trosiannol i ben yn darparu ar gyfer gofynion llymach, sy'n golygu, heb estyniad, fod angen i ni naill ai gael Safleoedd Rheoli Ffiniau dynodedig i wasanaethu pob porthladd neu atal mewnforio nwyddau archwiliadau iechydol a ffytoiechydol i Gymru drwy'r porthladd hwnnw.

Rwy'n ysgrifennu atoch i roi gwybod i chi fy mod yn rhoi fy nghaniatâd i'r Ysgrifennydd Gwladol wneud Rheoliadau 2022 mewn perthynas â Chymru. Deallaf y cânt eu gosod gerbron y Senedd ar 8 Mehefin 2022 a byddant yn ddarostyngedig i'r weithdrefn negyddol.

Bydd caniatáu i Defra ddeddfu ar ein rhan y tro hwn yn helpu i anfon negeseuon am ddefnyddio trefniadau diwygiedig yn gyson ledled Prydain Fawr, ac yn dangos i randdeiliaid ein bod yn barod i weithio'n adeiladol gyda Llywodraeth y DU, gan wahaniaethu pan fydd dadleuon cryf o ran Cymru i wneud hynny.

Rwy'n anfon copi o'r llythyr hwn at y Cwnsler Cyffredinol a'r Gweinidog dros y Cyfansoddiad, y Gweinidog dros y Newid yn yr Hinsawdd a Chadeirydd Pwyllgor yr Economi, Masnach a Materion Gwledig a Chadeirydd y Pwyllgor Deddfwriaeth, Cyfiawnder a Chyfansoddiad.

Yn gywir,



**Vaughan Gething AS/MS**  
Gweinidog yr Economi  
Minister for Economy